

▼ **Drage sugrađanke, dragi sugrađani,**

grad Vaihingen an der Enz ima mnogo toga da ponudi. Kao dio regije Stuttgart mi već sada doprinosimo tome da je ona jedna od najljepših regija u Njemačkoj i Evropi.

Međutim, to nije razlog da zastanemo. »Zajedno za sutrašnjicu« predstavlja naše nastojanje da zajednički kreiramo razvitak našeg grada i da zajedničkim snagama izradimo svima jasno razumljiv sistem kao crvenu nit budućeg gradskog razvoja.

Na početku procesa kreiranja ideje vodilje svim domaćinstvima dostavljamo upitnik. Na taj način se želimo upoznati sa Vašim mišljenjem kao polaznom osnovom i slikom raspoloženja građana.

Kako biste aktivno sudjelovali u procesu kreiranja ideje vodilje, pozivamo Vas da postanete učesnik radne grupe koja će od samog početka pratiti spomenuti proces. Svi ostali su već sada pozvani na javne skupove koji se redovno organiziraju.

U cilju izbjegavanja dugih putovanja, upitnike i dopisnice možete da ubacite u sandučiće kako u užem gradskom jezgru, tako i u svih osam dijelova grada. Isto tako možete da učestvujete i »online«. Sugrađankama i sugrađanima kojima učestvovanje u procesu pričinjava praktične poteškoće, rado ćemo pomoći. Dodatne informacije možete pronaći na priloženom listu sa informacijama i na internet stranici www.vaihingen.de/Leitbildprozess.

Učestvovanjem što većeg broja stanovnika u ovom procesu poći će nam za rukom da se kreiranje budućnosti našeg grada temelji na što široj osnovici, da bude uspješnije i interesantnije. Iskoristite priliku - radujem se Vašem doprinosu i Vašem aktivnom učestvovanju!

Vaš Gerd Maisch
Glavni Gradonačelnik

